

痿

痺

脹

下利

諸痛

三衝

醫醇賸義四

貴州醫學學會藏

編目：11-16 4/4



醫醇賸義卷四

痿

經曰諸痿起於肺。說者謂肺氣空虛。金不伐木。肝火鬱結。大筋短縮。小筋弛長。故成痿症。此特可爲筋痿言之耳。至於脈痿、肉痿、骨痿，豈得謂之金不伐火、金不伐土、金不伐水乎？是必不然矣。解經者不必過事高深，但求諦當。經又曰：治痿獨取陽明，只此一節，便可知肺胃相關諸痿。

起於肺治痿重陽明之故蓋胃爲水穀之府一
身之精神氣血從此而生其糟粕則下歸小腸
其精華則上輸於肺肺受精氣然後澤沛諸臟
茲以所求不得躁急熱中肺受薰蒸葉焦成痿
不能散精於他臟故痿起於肺也其獨取陽明
者因胃爲五臟六府之海所以滋養一身又主
潤宗筋宗筋主束骨而利關節也從此悟徹則
五臟之痿可以次第區別矣

經曰。肺熱葉焦。則皮毛虛弱。急薄着。則生痿癰也。其下又曰。所求不得。則發肺鳴。鳴則肺熱。葉焦。則此症全。因肺陰耗散。肺氣空虛所致。蓋肺爲主氣之臟。肺傷則元氣薄弱。而不能下行。故足膝無力。而不能任地。是肺痿卽氣痿也。玉華

煎主之。

玉華煎

自製

玉竹

四錢

五味

一錢

麥冬

三錢

沙參 四錢

黨參 四錢

茯苓 二錢

白朮 一錢

山藥 三錢

川斷 二錢

牛膝 二錢

元米一撮煎湯代水

經曰心氣熱則下脈厥而上上則下脈虛虛則
生脈痿樞折挈脛縱而不任地也百脈皆朝於
心心陽上亢則在下之脈亦厥逆而上上愈實
則下愈虛故爲脈痿關節之處如樞紐之折而



不可提挈。足脛縱緩則脈不通而懈弛也。調榮

通脈湯主之。

調榮通脈湯 自製

天冬 二錢

生地 五錢

丹參 二錢

柏仁 二錢

黨參 四錢

茯神 二錢

白朮 一錢

黃連 四分
酒炒

當歸 二錢

川斷 二錢

牛膝 二錢

紅棗十枚

桑枝一尺



經曰肝氣熱則膽泄口苦。筋膜乾筋膜乾則筋急而攣發為筋痿。肝膽相連肝熱則膽亦熱。膽汁內沸故發為口苦。血為火劫不能養筋筋急而攣故為筋痿也。水木華滋湯主之。

水木華滋湯 自製

生地 五錢 當歸 二錢

白芍 一錢五分

丹皮 二錢 山梔 一錢五分

羚羊角 一錢五分

木瓜 一錢 酒炒 黨參 四錢

茯苓 二錢



白朮一錢

川斷二錢

牛膝二錢

人乳一杯 桑枝一尺

經曰脾氣熱則胃乾而渴肌肉不仁發爲肉痿
脾與胃皆屬土而分燥濕濕土既熱則燥土更
烈故胃乾而渴熱鬱於內則脾陰耗損故肉不
仁而爲痿也坤順湯主之

坤順湯自製

黨參四錢

茯苓二錢

白朮一錢

甘草 四分

山藥 三錢

花粉 三錢

石斛 三錢

料豆 三錢

川斷 二錢

牛膝 二錢

紅棗五枚 蓮子十粒 去心

經曰腎氣熱則腰脊不舉骨枯而髓減發爲骨痿又曰有所遠行勞倦逢大熱而渴渴則陽氣內伐內伐則熱舍於腎水不勝火則骨枯而髓虛故足不任身發爲骨痿腰者腎之府脊者腎

之所貫。腎傷。故腰脊不舉。遠行勞倦。則傷骨。逢大熱而渴者。或外感之熱。或內蘊之熱。皆消陰耗髓。故骨枯而痿也。滋陰補髓湯主之。

滋陰補髓湯 自製

生地 五錢

龜版 八錢

黃柏 一錢

鹽水炒

知母 一錢

虎脛骨 一錢五分

炙 枸杞 三錢

當歸 二錢

黨參 四錢

茯苓 二錢

白朮 一錢

金毛脊 一錢五分

川斷 二錢

牛膝二錢

猪脊髓一條同煎

痺

經曰。風寒濕三氣雜至。合而爲痺也。夫六淫之邪。暑燥火爲陽。風寒濕爲陰。陰氣迭乘。營衛不通。經脈阻滯。筋骨肉三部俱病。而三痺之症作矣。其風氣勝者爲行痺。風爲陰中之陽。中人最速。其性善走竄入經絡。故歷節作痛而爲行痺。



寒氣勝者爲痛痺。寒爲陰中之陰。乘於肌肉筋
骨之間。營衛閉塞。筋骨拘攣。不通則痛。故爲痛
痺。濕氣勝者爲着痺。着者重着難移。濕從土化
病在肌肉。不在筋骨。所謂腰間如帶。五于錢者
是也。古有三痺湯。今復自製三方。以附於後。
風痺者。血不榮筋。風入節絡。當以養血爲第一。
通絡次之。去風又次之。若不補血而先事搜風。
木愈燥而筋益拘攣。殊非治法。先用大劑補血。

去風後即加入參苓白朮以補氣分營衛平調
方無偏勝之患溫經養榮湯主之
溫經養榮湯 自製

生地

三錢 切片紅花炒

熟地

三錢 切片砂仁炒

枸杞

三錢

當歸

二錢

白芍

一錢 酒炒 五錢

鹿筋

五錢 切片

木瓜

一錢 酒炒

川斷

二錢

獨活

一錢

酒炒

桂枝

五分

秦艽

一錢

甜瓜子

三錢 炒研

朮香

五分



紅棗十枚 薑三片 桑枝一尺

痛痺者。營衛受寒。不通而痛。宜調養氣血。溫通

經絡。龍火湯主之。

龍火湯 自製

薤蓉 三錢

肉桂 五分

黨參 四錢

茯苓 二錢

白朮 一錢

歸身 二錢

白芍 一錢

木香 五分

川斷 二錢

獨活 一錢

角霜 四錢

蠶沙 三錢



南京中醫藥大學圖書館版權所有

紅棗十枚 薑三片

着痺者病在肌肉。當補土燥濕立極湯主之。

立極湯 自製

黨參 四錢

附子 六分

當歸 二錢

茯苓 三錢

白朮 一錢

茅朮 一錢

破故紙 一錢五分

杜仲 二錢

川斷 二錢

獨活 一錢

牛膝 二錢

紅棗五枚

薑三片

苡仁 一兩 煎湯代水

三痺之外。又有臟腑之痺。症治詳後。肺痺者。煩滿喘而嘔。此一條。明是肺胃同病。肺居至高。脈循胃口。肺氣受邪。從胃而上。清肅之令。不能下行。故煩滿而喘。其作嘔。則胃亦受邪。水穀之氣不安也。桑朴湯主之。

桑朴湯 自製

桑皮 二錢

厚朴 一錢

橘紅 一錢

半夏 一錢

茯苓 二錢

沉香 五分



蘇子

一錢五分

杏仁 三錢

婁皮 二錢

貝母

二錢

鬱金 二錢

佛手 五分

薑 三片

心痺者。脈不通。煩則心下鼓。暴上氣而喘。噎乾。善噫。厥氣上則恐。此一條乃心經主病。而兼腎病也。心爲生血之臟。百脈皆朝於心。心脈支者。挾咽直者上肺。心營不足。故脈不通。心氣不舒。故心下鼓。暴氣上而喘。噎乾善噫。則支脈與直